

Muka baharu pada mesyuarat Kabinet

oleh TUAN BUQHAIRAH TUAN MUHAMAD ADNAN
13 Disember 2023 11:23am

PUTRAJAYA - Mesyuarat Kabinet yang berlangsung pagi ini menyaksikan kehadiran beberapa muka baharu selepas Perdana Menteri, Datuk Seri Anwar Ibrahim mengumumkan senarai baharu Jemaah Menteri dan timbalan.

Ia membabitkan Menteri Kewangan II; Datuk Seri Amir Hamzah Azizan, Menteri Digital; Gobind Singh Deo, Menteri Perladangan dan Komoditi; Datuk Seri Johari Abdul Ghani, Menteri Kesihatan; Datuk Seri Dr Dzulkefly Ahmad dan Menteri Sumber Manusia; Steven Sim Chee Keong.

Mesyuarat yang dipengerusikan Anwar itu berlangsung jam 9.30 pagi Rabu.

Kesemua menteri dan timbalan menteri yang baharu dilantik memulakan tugas rasmi mereka pada hari ini.

Antara yang terawal hadir ke pejabat adalah Dr Dzulkefly yang mengetik kad perakam waktu digital di lobi KKM sekitar jam 8.15 pagi.

Difahamkan beberapa menteri dan timbalan akan melakukan simbolik sama selepas mesyuarat Kabinet berakhir.

Pada Selasa, Anwar mengumumkan pelantikan lima menteri dan timbalan menteri, termasuk empat muka baharu dan penampilan semula lima bekas menteri dalam rombakan Kabinet Kerajaan Perpaduan.

Bilangan ahli Jemaah Menteri meningkat daripada 28 kepada 31, manakala timbalan menteri meningkat daripada 27 kepada 29.

Ia sekali gus jumlah keseluruhan anggota pentadbiran Kerajaan Perpaduan kini adalah 60 orang.